

**Láhkaásahus Finnmárkku šláddjes lastavuvddiid suodjalanplána birra.  
Langfjorddalen/Lákku álbmotmeahci suodjaleapmi Gáŋgaviikka ja Davvesiidda  
gielddain, Finnmárkku fylkkas.**

Mearriduvvon Gonagasa geassemánu 29. b. 2007-mannosaš resolušuvnnain,  
geassemánu 19. b. 1970-mannosaš lága nr. 63 vuodul luonddugáhttema birra 8.  
paragráfas, gč. § 10 ja §§ 21, 22 ja 23. Birasgáhttendepartemeanta lea dan ovddidan.

**§ 1. Ráddjejuvvi**

Álbmotmeahcci guoská čuovvovaš dálloŋr./doalloŋr.:  
Gáŋgaviikka gielddas: 17/1 ja 18/1,  
Davvesiidda gielddas: 25/1 ja 25/19

Álbmotmeahcci gokčá su. 27 966 dekára sturrosaš areála.

Álbmotmeahci rájit bohtet ovdan Birasgáhttendepartemeantta kárttas mii lea  
beaiváduvvon geassemánus 2007 ja man mihttolávva lea 1: 55 000. Álbmotmeahci  
dárkilis rájit galget merkejuvvot eatnamii. Čiegat merkejuvvojit koordináhtaguin.

Suodjalanláhkaásahus oktan kárttain galgá vurkkoduvvot Gáŋgaviikka ja Davvesiidda  
gielddain, Finnmárkku fylkkamánni luhtte, Luondduhálddašandirektoráhtas ja  
Birasgáhttendepartemeanttas.

**§ 2 Ulbmil**

Suodjaleami ulbmil lea seailuhit measta lihkatkeahces lastavuovdeguovllu  
ekovuogádaŋkan oktan buot lunddolaš šattodagain ja ealliiguin. Guovllu erenoamáš  
kvalitehtat leat stuorrašattot sieđgarođut ja davvehápmásaš šláddjes soahkevuovddit  
main eai leat liekkasgáibideaddji šlájat. Guovlu lea dieđalaččat mávssolaš stuorrašattot  
sieđgavuvddiid regionála šládjaguovlun.

Álbmotmeahci luondduvuđđosa dikšun lea dehálaš sámi kultur- ja  
ealáhusávkkástallamii. Guovllu galgá sáhttit geavahit boazodollui.

**§ 3 Suodjalanmearrádušat**

Álbmotmeahccái gustojit čuovvovaš mearrádušat:

1. Šattodat, dás maiddái jápmán muorat ja miestagat, galget suodjaluvvot buot  
vahágahttima ja bilideami vuostá. Luonddumeahcis ii leat lohpi váldit šattuid  
dahje šaddoosiid. Ođđa šaddošlájaid gilvin ja buktin dohko eatnamii ja  
sáivačáhcai lea gildojuvvon.
2. Eallit, dás maiddái beasit ja biejut, leat ráfáiduhthtojuvvon vahágahttima,  
bilideami ja dárbbasmeahttun ráfehuhttima vuostá. Ealliid ii leat lohpi buktit  
dohko ja luoitit daid dohko eallit.
3. Dakkár doaibmabijuid ii galgga čađahit, mat rievdadit luonddubirrasa, numo  
hukset visttiid ja rusttegiid, áidut ja hukset eará gitta ja gaskaboddasas  
ráhkkanusaid, guođdit kámpenvávnnaid, bráhkáid jed, fatnasiid giddet boijjaide

dahje guođđit gáddái, bidjat eatnanbajábeallásaš jodđasiid, eanajodđasiid ja duolvačáhcebohciid, hukset geainnuid, roggat goivvohagaid ja eara láhkai goikadit eatnamiid, váldit, deavdit ja vurket mássa, luoitit kloáhka dahje eará čoahkáiduvvan nuoskkidanávdnasiid, guođđit doabbariid, duktet, kálket ja geavahit kemikálaid luottahuhttinávnnasin. Nuoskkideapmi lea gildojuvvon. Logahallan ii leat dievas.

4. Mohtorjohtolat eatnamis ja čázis, dás maiddái áibmofievrru girdileapmi ja seaivun, lea gildojuvvon.
5. Álbmotmeahci geavahit lávvo- ja tealtaleairraide, valáštallanlágidemiide dahje eará stuorra lágidemiide lea gildojuvvon.
6. Luondduhálddašandirektoráhta sáhtá vuhtiiválddidettiin ráfáiduhhtinulbmila lálkkaásahusain gielldit dahje muddet johtolaga oppa álbmotmeahcis dahje dan osiin.

#### § 4 *Oppalaš spiehkastagat*

3. § mearrádušat eai hehte:

1. Militeara operatiiva doaimmaid dahje politiija-, gádjun-, ambulánsa-, buollinsuodjalus- ja bearráigeahččandoaimmaid, ja dakkár dikšun- ja hálddašandoaimmaid čađaheami, maid hálddašaneiseváldi lea mearridan. Hárjehallanvuodjin namuhuvvon doaimmaid oktavuodas gáibida sierra lobi.

3. § nr. 1-3 mearrádušat eai hehte:

2. Geavaheames guovllu guohtumii.
3. Geavaheames goikeovssiid káfedollii.
4. Čoaggimis murjiid ja borramušguobbariid.
5. Bivdima ja gárduma fuodđolága vuodul ja guolásteami luossa- ja sáivaguolástanlága vuodul.
6. Ortnegisdoallamis dálá visttiid ja rusttegiid.
7. a) Doaimmas- ja ortnegisdoallamis dálá energiija- ja fápmorusttegiid. Geaseheapmi mohtorfievrruin gáibida sierra lobi, gč. 5. § nr. 3.  
b) Divvumis dárbbu mielde el-fápmolinnjáid fáhkka el-fápmojávkama oktavuodas. Go geavaha mohtorfievrru geaseheapmái, de galgá maŋŋá dieđihit hálddašaneiseváldái.  
c) Dási buorideames/ođasmahttimis el-fápmolinnjáid ja sturruideames jodasrastáčuohpahaga nu ahte sáhtá loktet gealdodási nu guhká go dát ii eaktut mearkkašahti fysihkalaš rievdadusaid mat riikkot suodjalanulbmila. Geaseheapmi mohtorfievrruin gáibida sierra lobi, gč. 5. § nr. 3.
8. Čorgemis bálgáid.
9. Njábemis eanemusat 10 m govdošaš avádagas vuovddi lobálaččat huksejuvvon barttaid birra. Jalgen galgá ráddjejuvvot.
10. Dárbbášlaš mohtorjohtolaga buohcci ja lálpmašuvvan šibihiid viežžama oktavuodas. Dat fievru mii geavahuvvo, ii galgga olus golladit luonddu. Ovdalgo vuodjá galgá dieđihit bearráigeahččui.
11. Ávnnasteami duoji várás.

3. § nr. 1-4 mearrádušat eai hehte:

12. Vuodjimis muohtaskuhteriin dohkkehuvvon muohtaskuhterláhtu mielde. Álbmotmeahcis ii leat lohpi earránit skuhterláhtus.
13. Vuodjimis muohtaskuhteriin boazodoalu oktavuodas.

## **§ 5** *Vejolaš spiehkastagat ohcama vuodul*

Hálddašaneiseváldi sáhtta ohcama vuodul addit lobi:

1. Čuohppat soggid iežas atnui ja gohttensajiide.
2. Hukset šalddiid ja roviid, cegget galbbaid ja merket bálgáid.
3. Johtalit mohtorfievrruiguin dárbbu mielde go lea doaimmas- ja ortnegisdoallamin dálá enegijja- ja el-fápmorusttegiid ja buorideamen daid dási.
4. Geasehit mohtorfievrruiguin dárbbu mielde dálvesiivun visttiid ja rusttegiid ortnegisdoallanávdnasiid.
5. Johtalit mohtorfievrruin dálvesiivun guovllu barttaide.
6. Geavahit mohtorfievrru dárbbu mielde dálvesiivun muoraid geasehit.
7. Johtalit mohtorfievrruiguin dárbbu mielde bievlan boazodoalu oktavuodas.
8. Geasehit mohtorfievrruin dárbbu mielde báhččojuvvon ealgga.
9. Johtalit mohtorfievrruiguin dárbbu mielde hárbhallanvuodjima oktavuodas dakkár áigumušaiiguin, mat leat namuhuvvon 4. § 1. čuoggás.
10. Buoridit daid el-fápmolinnjáid dási dahje ođasmahttit daid el-fápmolinnjáid maidda ii guoskka 4. § 7. čuokkis.
11. Hukset ođđa fápmolinnjáid go dat ii rihko suodjalanulbmila.

Boazodoalu várás láchččojuvvo vejolašvuolta oazžut mánggajagáš lobiid, mat boazodoalus galget oktiordnejuvvot ja válđojuvvot mielde orohatplánii boazodoallolága vuodul, nu ahte ealáhusain sáhtta bargat dohkálaš vuogi mielde.

## **§ 6** *Oppalaš sierralohpemearrádušat*

Hálddašaneiseváldi sáhtta spiehkastit láchkaásahusas go suodjaleami ulbmil dan gáibida, ja dieđalaš iskkademiid oktavuodas, servodahkii mearkkašahti mávssolaš bargguid oktavuodas dahje erenoamáš dilálašvuodaid oktavuodas go dat eai rihko suodjaleami ulbmila.

## **§ 7** *Dikšun ja hálddašanplána*

Hálddašaneiseváldi, dahje dat geasa hálddašaneiseváldi fápmuda válđdi, sáhtta čadahit dikšundoaibmabijuid maiguin ollašuhttá suodjaleami ulbmila. Sáhtta ráhkaduvvot hálddašanplána mas sáhttet leat dárkilet njuolggadusat dikšuma várás.

## **§ 8** *Hálddašaneiseváldi*

Luondduhálddašandirektoráhta mearrida geas galgá leat hálddašanváldi dán láchkaásahusa vuodul. Sámi beroštusat galget fuolahuvvot dan hálddašanortnegis mii ásahuvvo.

## **§ 9** *Fápmuiboahhtin*

Dát láchkaásahus boahhtá fápmui dálán.